

K2812
5

中華民國廿年




蒙藏狀況

回部新
疆拊

馬福祥



中華民國二十年十月出版



編輯者 馬 福 祥

發行者 蒙 藏 委 員 會

印刷者 南京中華印刷公司

地址 臚政牌樓
電話 二二二七二

吾聞之醫者曰人之五官四肢雖盡斷折
尚可苟活皮膚傷損若及三分之一則其
人必死又嘗聞諸植樹者曰一切樹木之
內外層皮只須損及一線至於上下不相
連屬則其樹必死蓋人之皮膚與樹木之
皮層皆所以司新陳代謝與生活營養者
而防禦外力侵凌尤其次焉者也動植物
既若此國家亦何獨不然哉吾國近百年

間內憂外患迭起紛乘國力愈衰人民之
志氣亦愈消沉往往以為邊疆之事非腹
心之疾無足重輕遠慮益無內憂益夥其
小有才智稍存遠畧者又往往惑於古來
關地封侯與近代歐美日本所行之殖民
政策或則徒欲遂個人之野心或則不知
為邊民謀幸福而繼絕舉廢治亂持危厚
往薄來之王道治理皆遺忘罄盡以致其

個人之事功既不能成國家大事亦因之
受害趙爾豐之於川邊徐樹錚之於蒙古
皆是也夫得道者必多助修德者能服人
試觀今日西藏民族之所以得統一蒙古
民族之所以得開化與夫三百年前滿洲
民族之所以得發展者豈金錢武力之功
哉中國之仁義與印度之慈悲有以化之
耳故余嘗謂中國疆宇與政權之有今日

宗喀巴大師之德實不可忘蓋自雪山以
至於長白數萬里間造成數百年之統一
者端在於此而其教訓之精神所在則惟
以三業一體相應如如之至誠行慈悲普
濟之化耳故在今日而行救國之道斷不
可遺棄邊疆而懷遠安邊又斷不可遺忘
仁義慈悲之教也隴石馬雲亭先生學問
道德重於當時與其祖父皆以善人號於

西北雖教宗天方而學通儒釋理證中西
庚子聯軍之役胞兄及侄一家五人皆與
洋兵力戰同殉國難忠義之氣固有所鍾
非常人也年來同佐國政於都城知其於
安內攘外抱負極偉懷遠安邊所志尤大
近以國家多故邊事日急因輯其以邊疆
實況教授學生者為一家言梓以問世嗟
乎如雲亭先生者有幾人哉老成尚在國

事未足悲而受其教誨協力同心以成其
志者其責固在多數國民是先生所以梓
行是書之意也歟

中華民國二十年十月十七日

吳興戴傳賢敘於讀有用書齋



著書非易事也著史地之書而專論
文獻無徵之邇徼荒區尤非易事也
然吾聞之鄉里小儒高文典冊不敢望相
如馳去飛板不能效枚舉而紀述里曲
之軼聞指畫鄉野之形勢則樸實
翔實鉅儒或不能過之無他生於斯

習於斯而已矣 祥適人也幼隨父兄習
同適事所居介蒙藏諸族之間長而
與其賢豪遊益熟知其山川形勢史
乘珍聞東髮以後屢以適軍制平適
患中間厯掌西甯青海甯夏綏遠
阿爾泰各地軍民政事則嚮之坐

而言者若乃得起而行能形極勢
禁所懷未得盡展而事實所昭示
使吾輩之所知者咸得一一實證其是
非得失據益多之學後誠非甚少矣十
八年春蔣校長經營遼事於軍官
學校內特設蒙疆訓練班以儲遼事

之人才並徵祥為講師蒞講兩閱月
諸生咸大悅實則所講多本諸昔年
所著之蒙疆紀要一書其稿已真甯
夏故居同為灰燼茲所追述者十之二
二年乃天不悔禍是年夏南北政局忽
呈異態祥奉命調停迄無甯日並

此十之二六未克盡其辭旋復拜
蒙藏委員會委員長之命益無暇與
諸生周旋而諸生亦已畢所業矣自
愧為德不卒乃擬拾舊聞益以蒙藏
最近之政情成此一編又以回疆僻在
天山以南物產豐富民情敦厚舊日

邑乘多謬焉不詳而附記其風物於
後以為諸生研究地學者之一助有兄
之者謂立言無偏激之弊有可以裨
益當世之留心遼事者亟懇惠付印
以同世祥初遜謝繼念今日遼事急
矣吾以遼人治遼事乃不能舉其所

知以告國人則負咎將益甚爰輯而
行之並書其緣起如此

中華民國二十年九月上澣

龍古馬福祥



蒙藏狀況

緒論

立馬於厄非而士之高峰。俯視亞洲大陸之平原。緬懷數千年來文化之所聲被。武異力之所憑凌。雖極闖茸蕙怯者。吾知其必將奮然有所思。瞿然有所覺矣。然而今昔異勢。途徑顯分。侵略壓迫之政策。不容於民族解放之潮流。共存共榮之呼聲。已喚起強有力者之覺悟。此我總理之大亞細亞主義。所以必須以仁義道德爲依歸也。吾國自清政解紐以來。蒙藏邊圉。荊棘塞途。有志之士。惄焉憂之。於是談邊政者。風起雲湧。或主征討。或主羈縻。或欲假宗教以繫人心。或欲藉交通以貫脈絡。無不言之成理。聽而動容。顧於主要之大前提。則鮮有注意及之者。吾人今日之於蒙藏。將視爲國土之一部乎。抑視爲附庸之藩屬乎。將本親愛精誠之宗旨。以拯此邊地同胞於毒蛇猛獸之牙吻乎。仰坐觀成敗。如秦人視越人之肥瘠乎。此大前提一經確定。則所用之方法。固無往而不可也。本黨以扶植弱小。抵抗強暴。爲惟一要圖。

此於同屬人羣非我族類者且然。况蒙古西藏之民族。與我相親相愛。共存共榮。已有千數百年之歷史。值茲赤白帝國主義者。饒吻翕張。急圖吞噬之際。我同胞有不呼號提挈。以共圖生存者乎。吾於此敢斷言曰。蒙藏之存亡。卽中國之存亡。中國絕不能使蒙藏脫離中國之版圖。蒙藏亦不能脫離中國而獨立。且世界之上。除中國外。亦更無誠心扶植蒙藏之國家。願我國人。無論其爲軍事家。爲政治家。爲實業家。爲教育家。自今而後。咸本此言。以扶植蒙藏同胞。共渡此險危之灘。而登於光明之路。蒙藏同胞。亦宜去其向來猜忌漠視之心理。認清中國爲蒙藏之唯一救星。以誠意接受之。爾無我詐。我無爾虞。十年以後。蒙藏之民生不能改進。蒙藏之政治不能改觀者。吾不信也。謹以片言。姑爲息壤。申敘探討。請詳後文。